

54. Ministri, in luco prope ædes regias congressi cum sacerdote, supremi sacrificii gnaro, cærimonias ad morbum avertendum fingentes, regem clam in rogo constructo cremaverunt.

55. Tum civibus nobilissimis convocatis, uxorem ejus legitimam, fausta graviditatis indicia ostendentem, dignitate regia ornaverunt,

56. Illius infans, primo ustus ferventibus lacrymis, luctu ob talem regis mortem ortis, deinde recreabatur frigida aqua, stirpem consecrante, e vasibus aureis effusa.

57. Regina, in utero gerens illum ad salutem civium, partus tempus expectantium, splendebat veluti terra, in qua semen depositum est; atque in solio aureo sedens, adjuta ministris illustribus, ætate provectis, nemine ejus jussa transgrediente, mariti regnum rite gubernavit.